



اَوْنُوْ سِيْطِيْ تِيْكَوْ لُوْ كِيْ مَارَا
UNIVERSITI
TEKNOLOGI
MARA

BULETIN UNIT RESIDENSI & HOSPITALITI PELAJAR

EDISI 3
OKTOBER 2025

U

R

H

P

CANVA 101

MUHAMAD ZULHILMI ZULKIFLI & MUHAMMAD AMRUN HAZIQ ABIDIN



Jawatankuasa Perwakilan Kolej (JPK) Cawangan Negeri Sembilan dengan jayanya telah melaksanakan program bertajuk *Canva 101* pada 28 Jun 2025 (Sabtu) di Dewan Kuliah Tok Puan Sungei Ujong (TPSU) 2, Pusat Kegiatan Pelajar, UiTM Cawangan Negeri Sembilan, Kampus Seremban. Program ini berlangsung dari jam 8.00 malam hingga 11.00 malam dengan kehadiran tetamu jemputan khas, Siti Mariam, seorang *Canva Creator* dan *Canvassador* di Malaysia.



Program ini bertujuan untuk memberi peluang kepada mahasiswa mempelajari asas dan teknik penggunaan *Canva*, menggalakkan kreativiti dalam reka bentuk grafik, serta meningkatkan kemahiran digital yang relevan dengan keperluan masa kini. Program ini telah disertai oleh 200 peserta terawal yang berjaya mendaftar melalui kod QR yang disediakan. Aktiviti utama termasuk sesi perkongsian ilmu dan pengalaman oleh Siti Mariam, *Canva Creator* dan *Canvassador* di Malaysia dan fungsi *Canva* untuk kegunaan peribadi, akademik, dan profesional.



Program ini bertujuan untuk memberi peluang kepada mahasiswa mempelajari asas dan teknik penggunaan *Canva*, menggalakkan kreativiti dalam reka bentuk grafik, serta meningkatkan kemahiran digital yang relevan dengan keperluan masa kini. Program ini telah disertai oleh 200 peserta terawal yang berjaya mendaftar melalui kod QR yang disediakan. Aktiviti utama termasuk sesi perkongsian ilmu dan pengalaman oleh Siti Mariam, *Canva Creator* dan *Canvassador* di Malaysia, serta bengkel interaktif yang memberi pendedahan kepada pelbagai ciri dan fungsi *Canva* untuk kegunaan peribadi, akademik dan profesional.



dan keterujaan untuk mempraktikkan kemahiran baharu yang diperoleh. Keadaan ini menggambarkan suasana pembelajaran yang menyeronokkan dan mendorong kreativiti dalam kalangan hadirin.



Suasana di Dewan Kuliah Tok Puan Sungei Ujong 2 (TPSU 2) semasa program berlangsung amat meriah dengan kehadiran para peserta yang memenuhi ruang dewan. Para pelajar dan tetamu yang hadir dilihat begitu fokus dan memberikan sepenuh perhatian sepanjang sesi perkongsian ilmu dan bengkel *Canva*.

Program ini berjaya mewujudkan suasana yang interaktif dan penuh inspirasi, di mana peserta terlibat aktif dalam sesi latihan, demonstrasi reka bentuk secara langsung, dan sesi soal jawab bersama Siti Mariam. Para peserta turut memberikan respons positif melalui tepukan gemuruh setiap kali hasil reka bentuk kreatif dipersembahkan, serta menunjukkan semangat kerjasama

Ketua Pengarah Program, Hariz Hafie, mengucapkan setinggi-tinggi penghargaan kepada semua pihak yang terlibat dalam menjayakan program ini, termasuk para peserta, jawatankuasa pelaksana, serta sokongan daripada UiTM dan organisasi berkaitan. Beliau berharap program seperti ini terus dilaksanakan pada masa hadapan bagi manfaat komuniti mahasiswa.



Secara keseluruhannya, pelaksanaan Program *Canva 101* telah berjalan dengan lancar dan teratur. Semua pihak yang terlibat telah menunjukkan komitmen tinggi dalam memastikan setiap sesi dan aktiviti berlangsung dengan baik. Keadaan ini mencerminkan semangat kerjasama serta minat yang mendalam dalam kalangan peserta untuk mempelajari kemahiran reka bentuk grafik yang bermanfaat bagi keperluan akademik, kerjaya, dan peribadi.

